

UNTUK SIARAN SEGERA

KENYATAAN MEDIA

SWM KASIH SANTUN RAMADAN: SWM ENVIRONMENT CERIAKAN 138 PENGHUNI VILLA HARAPAN

MELAKA, 28 APRIL 2021: Syarikat konsesi pembersihan dan pengurusan sisa pepejal, SWM Environment Sdn. Bhd. (**SWM Environment**) meneruskan komitmennya membantu masyarakat melalui program SWM Kasih Santun Ramadan bersama 138 penghuni Pertubuhan Kebajikan Villa Harapan, Duyong yang berlangsung hari ini.

Pengurus Besar Korporat SWM Environment, Mohd Norlisam Mohd Nordin berkata, ini merupakan inisiatif SWM Kasih yang kedua dianjurkan pada bulan Ramadan ini selepas program Kembara Sahur bersama petugas barisan hadapan.

Katanya, program SWM Kasih Santun Ramadan merupakan sebahagian daripada entiti tanggungjawab sosial korporat (CSR) SWM Environment yang bertujuan memberi keceriaan kepada golongan yang kurang bernasib baik.

“Sudah menjadi tradisi tahunan SWM Environment menghulurkan bantuan kepada komuniti setempat terutamanya menjelang musim perayaan. Mengambil semangat bulan Ramadan yang mulia, kali ini SWM Environment memberi fokus kepada golongan gelandangan, Orang Kelainan Upaya (OKU), warga emas dan pesakit mental yang menghuni di Pertubuhan Kebajikan Villa Harapan.

“Melalui program mendekati masyarakat ini, sekurang-kurangnya mereka tahu bahawa masih ada pihak yang mengambil berat terhadap kebajikan mereka. Sumbangan yang diberikan juga diharap dapat membantu meringankan beban Pertubuhan Kebajikan Villa Harapan untuk menguruskan penghuninya,” katanya.

Sumbangan yang diberikan adalah berbentuk barangan keperluan harian serta pek makanan untuk berbuka.

Dalam program itu, kakitangan dan penghuni Pertubuhan Kebajikan Villa Harapan turut diberi pendedahan mengenai amalan Pengasingan Sisa Di Punca serta pembudayaan amalan 3R (*Reduce, Reuse & Recycle*).

Pertubuhan ini turut didaftarkan di bawah KITAREcycle iaitu program kitar semula oleh SWM Environment yang menawarkan mata ganjaran.

-TAMAT-

FAKTA**SWM ENVIRONMENT SDN. BHD.**

SWM Environment Sdn. Bhd. (**SWM Environment**) telah dilantik pada tahun 1995 di bawah perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara 2007, untuk bertanggungjawab terhadap pengurusan sisa pepejal dan pembersihan awam di Johor, Melaka dan Negeri Sembilan.

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Noor Che Wah Ramli

Eksekutif Kanan Jabatan Komunikasi Korporat
SWM Environment Sdn. Bhd.
Lot 4B-17,18,19, Jalan TTC 26,
Kawasan Perindustrian Cheng,
75250 Melaka.

(Tel) 06-3350191

(Faks) 06-3350117

(Emel) wah.ramli@swmsb.com